

«РЎЙХАТГА ОЛИНГАН»

Тошкент шаҳар Чилонзор тумани
Давлат хизматлари Маркази томонидан
2025 йил “___” _____
_____—сонли реестр билан

«ТАСДИҚЛАНГАН»

«Тошкент Инвест компанияси» АЖ
ягона муассиснинг
2025 йил “12”августдаги
қарори билан

**«ТОШКЕНТ ИНВЕСТ КОМПАНИЯСИ»
АКЦИЯДОРЛИК ЖАМИЯТИ
УСТАВИ
(янги таҳрир)**

I - бўлим.

Умумий қоидалар

1.1. «Тошкент Инвест компанияси» акциядорлик жамияти Ўзбекистон Республикаси Президентининг 2023 йил 26 июлдаги «Тошкент шаҳрини 2030 йилга қадар ижтимоий-иқтисодий ривожлантириш чора-тадбирлари тўғрисида»ги ПФ-112-сонли Фармони асосида тузилган ва фаолият кўрсатмоқда.

1.2. «Тошкент Инвест компанияси» акциядорлик жамияти барча акциядорларига нисбатан уларнинг улушлари, даромадлар даражаси, жинси, ирқи, дини, миллати, тили, ижтимоий келиб чиқиши, шахси ва ижтимоий мавқеидан қатъий назар тенг муносабатни таъминлайди.

II - бўлим.

Жамиятнинг фирма номи, жойлашган ери ва электрон почта манзили

2.1. Жамиятнинг давлат тилидаги тўлиқ фирма номи:

«Toshkent Invest kompaniyasi» Aksiyadorlik jamiyati;

«Тошкент Инвест компанияси» Акциядорлик жамияти;

Жамиятнинг давлат тилидаги қисқартирилган фирма номи:

«Toshkent Invest kompaniyasi» АЖ;

«Toshkent Invest kompaniyasi» АЈ;

Жамиятнинг рус тилидаги тўлиқ фирма номи:

Акционерное общество «Компания Ташкент Инвест»;

Жамиятнинг рус тилидаги қисқартирилган фирма номи:

АО «Компания Ташкент Инвест»;

Жамиятнинг инглиз тилидаги тўлиқ фирма номи:

Joint-Stock Company «Tashkent Invest company»;

Жамиятнинг инглиз тилидаги қисқартирилган фирма номи:

JSC «Tashkent Invest company».

2.2. Бундан буён матнда «Компания» деб аталувчи «Тошкент Инвест Компанияси» акциядорлик жамиятининг жойлашган ери ва почта манзили: 100066, Ўзбекистон Республикаси, Тошкент шаҳар, Чилонзор тумани, Ислом Каримов шох кўчаси, 51-уй.

2.3. Жамиятнинг электрон почта манзили: info@tashkentinvest.uz

2.4. Жамиятнинг расмий веб сайти: www.tashkentinvest.uz

III - бўлим.

Жамиятнинг ҳуқуқий мавқеи

3.1. Жамият юридик шахс бўлиб, у ўз мустақил балансига, алоҳида мол-мулкка, шу жумладан ўзининг устав фондига (устав капиталига) берилган мол-мулкка эгадир. Ўз номидан мулккий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлишга ҳақлидир.

3.2. Жамият давлат рўйхатидан ўтказилган пайтдан эътиборан юридик шахс мақомига эга бўлади.

3.3. Жамият фаолият кўрсатиш муддати чекланмаган ҳолда ташкил этилади.

3.4. Жамият Ўзбекистон Республикаси ҳудудида ва ундан ташқарида банк ҳисобрақамларни очишга ҳақлидир.

3.5. Жамият ўзининг фирма номи давлат тилида тўлиқ ёзилган ҳамда жойлашган ери кўрсатилган юмалоқ муҳрга эга бўлишга ҳақли. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

3.6. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва

хизматларнинг хусусий аломатларини акс эттирувчи бошқа воситаларга эга бўлишга ҳақли.

IV - бўлим.

Жамият фаолиятининг соҳаси (асосий йўналишлари), мақсади ва ҳуқуқлари

4.1. Жамиятнинг асосий вазифалари ва фаолият йўналишлари:

4.1.1. Қуйидагилар Жамиятнинг асосий фаолият йўналишлари бўлиб ҳисобланади:

Тошкент шаҳри ва туманлар ҳокимликлари ҳамда улар таркибидаги корхона ва муассасаларга тегишли мулклар (кейинги ўринларда – муниципал мулклар) ҳолатини таҳлил қилиш, мавжуд ресурс ва имкониятларни аниқлаш ва улардан самарали фойдаланиш бўйича таклифлар ишлаб чиқиш;

муниципал мулкларни бошқариш, уларнинг негизида давлат шериги сифатида давлат-хусусий шериклик лойиҳаларини амалга ошириш ҳамда уларни тадбиркорлик субъектларига ижара ва бошқарувга бериш, уларнинг мониторингини юритиш ва самарадорлигини баҳолаб бориш;

муниципал мулкларнинг инвестицион жозибадорлигини ошириш, уларнинг негизида инвесторлар билан ҳамкорликда инвестиция лойиҳаларини амалга ошириш;

тадбиркорлик субъектларининг Тошкент шаҳри инфратузилмасини ривожлантириш билан боғлиқ истиқболли лойиҳаларини уларнинг молиявий жозибадорлиги ва самарадорлигидан келиб чиқиб молиялаштиришда иштирок этиш;

Тошкент шаҳрининг алоҳида ҳудудларини ривожлантириш ва реновация дастурлари, мастер режа ва қуриладиган объектларнинг лойиҳа ҳужжатлари ишлаб чиқилишини ташкил этиш;

Тошкент шаҳридаги коммунал соҳа корхоналарининг фаолиятини таҳлил қилган ҳолда, улар фаолиятини трансформация қилиш юзасидан таклифлар ишлаб чиқиш;

Тошкент шаҳридаги қурилиш ва реконструкция қилиш ишларини ҳамда инфратузилма тармоқларига уланиш жараёнларини мувофиқлаштириш;

Жамият ўз фаолияти давомида таркибига кирувчи акциядорлик жамиятлари, ташкилотлари ва корхоналарини услубий бошқариш ва уларнинг ишларини мувофиқлаштириш;

Ўзбекистон Республикаси қонунчилик ҳужжатлари билан тақиқланмаган бошқа фаолият турлари.

4.1.2. Жамиятининг асосий вазифаси давлат ва тадбиркорлик субъектлари ўртасида “кўприк” вазифасини бажариш ҳисобланади.

4.2. Жамият рухсатнома (лицензия) талаб қиладиган фаолиятни амалга ошириш учун тегишли рухсатнома (лицензия) олинганидан сўнг ушбу фаолиятни амалга оширишга ҳақли.

4.3. Жамият қуйидаги ҳуқуқларга эга:

4.3.1. ўз филиалларини ташкил этиш ва ваколатхоналарини очиш;

4.3.2. юридик шахс бўлган шуъба хўжалик жамиятлари ва тобе хўжалик жамиятларига эга бўлиш;

4.3.3. ўз маблағларини қўшма ва бошқа турдаги корхоналар ташкил этишга жалб этиш ва тегишли даромад ва фойда олиш учун бошқа турдаги фаолиятларни амалга ошириш;

4.3.4. ишга меҳнат шартномаси асосида қабул қилиш, ишга фуқаролик – ҳуқуқий шартномаси (контракт) асосида жалб этиш, ишга вақтинчалик ва бошқа турдаги ижодий жамоатлар ҳамда мустақил фуқароларни пудрат шартномалари ёки амалдаги қонунчиликка мувофиқ меҳнат келишув битимлари шартлари билан жалб этиш;

4.3.5. профилактик-даволаш ва тиббий-консультатив (маслаҳат) муассасаларига ва ижтимоий инфратузилмаларнинг бошқа объектларига эга бўлиш;

4.3.6. соҳа ишчилари ва акциядорларнинг ижтимоий талаб ва эҳтиёжларини қондириш мақсадида дам олиш зоналари, ёрдамчи хўжаликлар ва бошқа муассасаларга эга бўлиш ва (ёки) уларни ижарага олиш.

4.4. Жамият ўз олдига қўйилган вазифалар ва функцияларни амалга ошириш мақсадида бошқа ҳуқуқларга ҳам эгадир.

4.5. Агар Ўзбекистон Республикаси Президенти ва Ҳукумати қарорларида бошқача назарда тутилмаган бўлса Жамият қуйидагиларга ҳақли эмас:

асосий фаолиятига хос бўлмаган янги кўчмас мулк объектларини сотиб олиш ёки қуриш;

рақобат ривожланган соҳада асосий фаолиятдан ташқари қўшимча фаолият билан шуғулланиш;

асосий фаолиятига хос бўлмаган хўжалик жамиятлари устав капиталида иштирок этиш ёки ундаги улушни сотиб олиш.

V - бўлим.

Жамият устав фондининг (устав капиталининг) миқдори

5.1. Жамиятнинг устав фонди (устав капитали) акциядорлар олган Жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади. Жамият томонидан чиқариладиган барча акцияларнинг номинал қиймати бир хилдир.

5.2. Жамият устав фондининг (устав капиталининг) миқдори 100 000 000 000 сўмни ташкил қилади ва номинал қиймати 1 сўм бўлган 100 000 000 000 дона эгаси ёзилган оддий акцияларга бўлинган.

VI - бўлим.

Жамият акцияларининг сони, номинал қиймати, турлари

6.1. Жамият устав фондини ошириш мақсадида жойлаштирилган акцияларига қўшимча равишда чиқариши мумкин бўлган эълон қилинган акцияларининг сони 900 000 000 000 дона эгаси ёзилган оддий акциялардан иборат.

6.2. Жамият акцияларининг номинал қиймати 1 сўм.

VII - бўлим.

Жамиятнинг устав фондини (устав капиталини) кўпайтириш ва камайтириш

7.1. Жамиятнинг устав фонди (устав капитали) қўшимча акцияларни жойлаштириш йўли билан кўпайтирилиши мумкин.

7.2. Қўшимча акциялар мазкур уставда белгиланган эълон қилинган акцияларнинг сони доирасидагина Жамият томонидан жойлаштирилиши мумкин.

7.3. Жамиятнинг устав фондини (устав капиталини) кўпайтириш тўғрисидаги ва Жамият уставига тегишли ўзгартишлар киритиш ҳақидаги қарорлар Жамият акциядорларининг умумий йиғилиши томонидан қабул қилинади.

7.4. Жамиятнинг устав фондини (устав капиталини) кўпайтириш тўғрисидаги қарорда жойлаштириладиган қўшимча оддий акцияларнинг ва имтиёзли акцияларнинг сони, уларни жойлаштириш муддатлари ва шартлари белгиланган бўлиши керак.

7.5. Жамиятнинг устав фондини (устав капиталини) кўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда мазкур уставда кўрсатилган, эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига камайтирилиши керак.

7.6. Жамиятнинг тегишли бошқарув органи томонидан қабул қилинган қўшимча акцияларни чиқариш ҳақидаги қарор Жамиятнинг устав фондини (устав капитални) кўпайтириш тўғрисидаги қарордир.

7.7. Жамиятнинг устав фондини (устав капитални) кўпайтириш жалб қилинган инвестициялар, Жамиятнинг ўз капитални ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

7.8. Жамиятнинг устав фондини (устав капитални) унинг ўз капитални ҳисобидан кўпайтиришда қўшимча акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айти ўша турдаги акциялар унга тегишли акциялар сонига мутаносиб равишда тақсимланади. Жамиятнинг устав фонди (устав капитални) кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, Жамиятнинг устав фондини (устав капитални) кўпайтиришга йўл қўйилмайди.

7.9. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи Жамият акциядорларининг умумий йиғилиши томонидан қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

7.10. Жамият акцияларни ва акцияларга айирбошланадиган қимматли қоғозларни очиқ ва ёпиқ обуна воситасида, биржа ва биржадан ташқари бозорларда қонун ҳужжатларида белгиланган тартибда жойлаштиришга ҳақли.

7.11. Жамият томонидан акцияларни ва акцияларга айирбошланадиган, ҳақи пул маблағлари билан тўланадиган эмиссиявий қимматли қоғозларни жойлаштиришда овоз берувчи акцияларнинг эгалари бўлган акциядорлар уларни имтиёзли олиш ҳуқуқига эга. Акциядор, шу жумладан акциядорларнинг умумий йиғилишида қарши овоз берган ёхуд унда иштирок этмаган акциядор акцияларни ва акцияларга айирбошланадиган эмиссиявий қимматли қоғозларни ўзига тегишли шу турдаги акциялар миқдорига мутаносиб миқдорда имтиёзли олиш ҳуқуқига эга.

7.12. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулк ҳуқуқлар) орқали амалга оширилади. Жамиятнинг қўшимча акциялари ва бошқа қимматли қоғозларига ҳақ тўлаш тартиби уларни чиқариш тўғрисидаги қарорида белгилаб қўйилади.

7.13. Жамиятнинг қўшимча акцияларига ушбу акцияларни чиқариш тўғрисидаги қарорда кўрсатилган жойлаштириш муддати ичида ҳақ тўланиши лозим.

7.14. Агар Жамиятнинг пулдан ўзга воситалар билан ҳақи тўланаётган акциялари ва бошқа қимматли қоғозларининг номинал қиймати қонун ҳужжатларида белгиланган энг кам иш ҳақининг икки юз бараваридан кўпни ташкил этса, Жамиятнинг акциялари ва бошқа қимматли қоғозларининг ҳақи сифатида киритилаётган мол-мулкнинг пулда ифодаланган баҳоси баҳоловчи ташкилот томонидан чиқарилиши зарур.

7.15. Жамиятнинг устав фонди (устав капитални) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

7.16. Жамиятнинг устав фондини (устав капитални) камайтириш тўғрисидаги ва Жамият уставига тегишли ўзгартиришлар киритиш ҳақидаги қарорлар акциядорларнинг умумий йиғилиши томонидан қабул қилинади.

7.17. Жамиятнинг устав фондини (устав капиталини) камайтириш тўғрисида қарор қабул қилинаётганда акциядорларнинг умумий йиғилиши устав фондини (устав капиталини) камайтириш сабабларини кўрсатади ва уни камайтириш тартибини белгилайди.

7.18. Жамият устав фондини (устав капиталини) камайтириш тўғрисида қарор қабул қилинган санадан эътиборан ўттиз кундан кечиктирмай ўз кредиторларини бу ҳақда ёзма шаклда хабардор қилади. Кредиторлар Жамиятнинг устав фондини (устав капиталини) камайтириш тўғрисида ўзларига билдириш юборилган санадан эътиборан ўттиз кундан кечиктирмай Жамиятдан ўз мажбуриятларини муддатидан олдин бажаришини ва устав фонди (устав капитал) камайтилиши билан боғлиқ зарарларнинг ўрнини қоплашини талаб қилишга ҳақли.

VIII - бўлим.

Жамият бошқарув органлари, уларни шакллантириш тартиби ва ваколатлари

8.1. Акциядорларнинг умумий йиғилиши (ягона акциядор), Кузатув кенгаши ва ижроия органи (Бошқарув) Жамиятнинг бошқарув органларидир.

8.2. Акциядорларнинг умумий йиғилиши Жамиятнинг юқори бошқарув органидир.

Агар Жамиятнинг барча оддий акциялари битта акциядорга тегишли бўлса акциядорларнинг умумий йиғилиши ўтказилмайди. Мазкур устав билан акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан якка тартибда қабул қилинади ҳамда ёзма шаклда расмийлаштирилиши керак.

8.3. Акциядорларнинг умумий йиғилишини Жамият Кузатув кенгашининг раиси, у узрли сабабларга кўра бўлмаган тақдирда эса, Жамият Кузатув кенгашининг аъзоларидан бири олиб боради.

8.4. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

8.5. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Одатда акциядорларнинг йиллик умумий йиғилиши июнь ойида ўтказилади. Акциядорларнинг йиллик умумий йиғилишида Жамиятнинг Кузатув кенгашини сайлаш тўғрисидаги, Жамиятнинг Бошқарув раиси ва аъзолари билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек қонун ҳужжатлари ва мазкур уставга мувофиқ Жамиятнинг йиллик ҳисоботи, Жамият Бошқаруви ва Кузатув кенгашининг Жамиятни ривожлантириш стратегиясига эришиш бўйича кўрилатган чора-тадбирлар тўғрисидаги ҳисоботлари ва бошқа ҳужжатлари кўриб чиқилади.

8.6. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

8.7. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамиятнинг Кузатув кенгаши томонидан белгиланади.

8.8. Акциядорлар умумий йиғилишининг ваколат доирасига қуйидагилар киради:

8.8.1. Жамият уставига ўзгартириш ва қўшимчалар киритиш ёки Жамиятнинг янги таҳрирдаги уставини тасдиқлаш;

8.8.2. Жамиятни қайта ташкил этиш;

8.8.3. Жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

- 8.8.4. Жамият Кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатида илгари тугатиш;
- 8.8.5. эълон қилинган акцияларнинг энг кўп миқдорини белгилаш;
- 8.8.6. Жамиятнинг устав фондини (устав капиталини) камайтириш ва кўпайтириш;
- 8.8.7. ўз акцияларини олиш;
- 8.8.8. Жамиятнинг ташкилий тузилмасини тасдиқлаш, Бошқарув раиси ва аъзоларини сайлаш (тайинлаш) ва уларнинг ваколатларини муддатида илгари тугатиш. Шунингдек Жамият Кузатув кенгаши Жамиятнинг Бошқарув раиси ва аъзолари билан тузилган шартномани, агар улар Жамият уставини кўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатида илгари тугатиш (бекор қилиш) ҳуқуқига эга;
- 8.8.9. Жамиятнинг йиллик ҳисоботини, шунингдек Жамият фаолиятининг асосий йўналишлари ва мақсадидан келиб чиққан ҳолда Жамиятни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш. Зарур ҳолларда Жамиятнинг тасдиқланган ривожлантириш стратегияларига ўзгартириш ва қўшимчалар киритиш;
- 8.8.10. Жамиятнинг фойдаси ва зарарларини тақсимлаш;
- 8.8.11. Жамият Кузатув кенгашининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият Кузатув кенгашининг ҳисоботларини эшитиш;
- 8.8.12. мажбурий аудиторлик текширувини ўтказиш учун аудиторлик ташкилотини белгилаш, ушбу ташкилотнинг хизматларига тўланадиган энг кўп ҳақ миқдори ва у билан шартнома тузиш (шартномани бекор қилиш) тўғрисида қарор қабул қилиш;
- 8.8.13. акциядорлар умумий йиғилишининг регламентини тасдиқлаш;
- 8.8.14. акцияларни майдалаш ва йириклаштириш;
- 8.8.15. Жамиятнинг Бошқарув раиси ва аъзоларига тўланадиган ҳақ ва (ёки) компенсацияларни энг юқори миқдорларини белгилаш;
- 8.8.16. Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 8 ва 9-бобларида назарда тутилган ҳолларда Жамият томонидан битимлар тузиш тўғрисида қарор қабул қилиш;
- 8.8.17. Жамиятнинг кундалик хўжалик фаолияти билан боғлиқ битимларни аниқлаш;
- 8.8.18. мустақил профессионал ташкилотлар – маслаҳатчиларни жалб қилган ҳолда бизнес жараёнлар ва лойиҳалар Жамиятнинг ривожланиш мақсадларига мувофиқлиги ҳар йиллик таҳлилини ўтказиш бўйича қарор қабул қилиш;
- 8.8.19. Жамиятнинг бошқарув органлари фаолият тартибини белгиловчи ҳужжатларни ва Жамиятнинг корпоратив бошқарув принципларини белгиловчи ички низомларини (шу жумладан, Ички назорат, Дивиденд сиёсати, Манфаатлар қарама-қаршилиги вақтида ҳаракат қилиш тартиби тўғрисидаги ва бошқа низомларни) тасдиқлаш;
- 8.8.20. аудиторлик ташкилотларининг ҳисобларини ҳар йили тасдиқлаш;
- 8.8.21. Жамиятнинг устав фондини (устав капиталини) кўпайтириш бўйича қарор қабул қилиш;
- 8.8.22. қимматли қоғозлар чиқарилиши тўғрисидаги қарор (акциялар, облигациялар) ва эмиссия рисоласини тасдиқлаш;
- 8.8.23. қимматли қоғозлар чиқарилиши тўғрисидаги қарорга (акциялар, облигациялар) ва эмиссия рисоласига ўзгартиришлар ва (ёки) қўшимчалар киритиш ва уларнинг матнини тасдиқлаш;
- 8.8.24. Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 34-моддасига мувофиқ

акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

8.8.25. агар Жамият Кузатув кенгашининг икки ва ундан ортиқ аъзоси аффилланган шахс бўлса, битим тузиш бўйича қарор қабул қилиш;

8.8.26. битим тузиш тўғрисида қарор қабул қилинаётган санада Жамият активлари баланс қийматининг эллик фоизидан ортиқ Жамиятнинг мол-мулк сотиб олиши ва мол-мулкни бегоналаштириши билан боғлиқ йирик битимларни тузиш;

8.8.27. Жамият кузатув кенгашининг яқдиллигига эришилмаган тақдирда йирик битим тузиш тўғрисидаги қарор қабул қилиш;

8.8.28. Жамият Бошқарувининг бир ёки бир нечта аъзосига Жамиятнинг инвестиция лойиҳалари ёки Жамият иштирокида амалга оширилган инвестиция лойиҳаларини муваффақиятли бажаргани учун мукофот пули тўлаш миқдори ва тартибини, тегишли доклад ёзуви ёки илтимоснома асосида, ёзма шаклда, жумладан резолютив тарзда маъқуллаш;

8.8.29. мазкур Жамият уставига ва қонун ҳужжатларига мувофиқ бошқа масалаларни ҳал этиш.

8.9. Акциядорлар умумий йиғилишининг ваколат доирасига киритилган масалалар Жамиятнинг Бошқарувига ҳал қилиши учун берилиши мумкин эмас.

8.10. Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари акциядорлар эътиборига:

- акциядорлар умумий йиғилиши тугаганидан сўнг эълон қилиш;
- акциядорлар умумий йиғилиш баённомаси тузилган санадан икки иш куни давомида муҳим факт тўғрисидаги маълумотларни ошкор қилиш йўллари билан етказилади.

“Махфий” ва “Хизмат доирасида фойдаланиш учун” устхати остидаги қарорлар бундан мустасно.

Агар Жамият акциялари фонд биржасининг листингига киритилган бўлса Жамият фонд биржасининг расмий веб-сайтида тегишли ахборотни эълон қилиши шарт.

8.11. Жамият овоз берувчи акцияларининг ҳаммаси бўлиб камида бир фоизига эгаллик қилувчи акциядорлар (акциядор) Жамиятнинг молия йили тугаганидан кейин тўқсон кундан кечиктирмай акциядорларнинг йиллик умумий йиғилиши кун тартибига масалалар, фойдани тақсимлаш бўйича таклифлар киритишга ҳамда Жамиятнинг Кузатув кенгашига Кузатув кенгашининг сон таркибидан ошмайдиган тарзда номзодлар кўрсатишга ҳақли, бундан Жамият Кузатув кенгашининг мустақил аъзолигига номзодлар кўрсатиш мустасно.

Кузатув кенгашининг мустақил аъзолигига номзодларни Жамиятнинг Кузатув кенгаши томонидан акциядорлар умумий йиғилиши кўриб чиқиши учун, қоида тариқасида, Жамият томонидан ташкиллаштирилган танлов асосида кўрсатилади. Бунда акциядорлар томонидан ҳам танлов асосида ёки “HeadHunter” платформа орқали танлаб олинган номзодлар мустақил аъзолик учун Жамият Кузатув кенгаши муҳокамасига ёки тўғридан-тўғри ягона акциядорга сайлаш учун киритилиши мумкин.

8.12. Акциядорлар (акциядор) Жамият Кузатув кенгашига ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартиришлар киритишга ҳақли.

8.13. Кузатув кенгаши Жамиятнинг фаолиятига умумий раҳбарликни амалга оширади.

8.14. Жамият кузатув кенгашнинг сон таркиби 5 кишидан иборат.

Жамиятнинг кузатув кенгаши аъзолари таркибининг учдан икки қисмини мустақил аъзолар ташкил этиши мумкин, бироқ кузатув кенгаши таркибида камида бир нафар мустақил аъзо бўлиши керак.

Жамиятнинг кузатув кенгаши мустақил аъзосининг "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонун билан белгиланган талабларга мувофиқлиги ўзгарган тақдирда, у Жамиятни ва кузатув кенгашини бу ҳақда икки иш куни ичида хабардор қилиши шарт. Бу ҳолда ушбу Уставнинг 8.15 ва 8.16-бандларига мувофиқ бошқа номзод мустақил аъзо сифатида сайланади.

8.15. Акциядорларнинг умумий йиғилишида сайланган кузатув кенгаши аъзоси мазкур йиғилиш баённомасида қайси акциядорнинг вакили эканлиги ёки кузатув кенгашининг қайси аъзоси мустақил аъзо эканлиги кўрсатилиши керак.

8.16. Кузатув кенгашининг мустақил аъзоллигига номзодлар Ягона акциядор томонидан белгиланади тегишли қарор билан сайланади.

8.17. Жамият кузатув кенгашининг мустақил аъзоси кузатув кенгашининг бошқа аъзолари билан бир қаторда "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Қонунда белгиланган тенг ҳуқуқлар ва мажбуриятларга эга бўлади.

8.18. Жамият Кузатув кенгашининг ваколат доирасига қуйидагилар кирadi:

8.18.1. Жамиятни ривожлантириш стратегиясига эришиш бўйича кўрилатган чора-тадбирлар тўғрисида Жамият Бошқарувининг ҳисоботини мунтазам равишда эшитиб борган ҳолда Жамият фаолиятининг устувор йўналишларини белгилаш;

8.18.2. акциядорларнинг йиллик ва навбатдан ташқари умумий йиғилишларини чақириш, бундан Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни 65-моддасининг ўн биринчи қисмида назарда тутилган ҳоллар мустасно;

8.18.3. акциядорлар умумий йиғилишининг кун тартибини тайёрлаш;

8.18.4. Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йиғилиши ҳал қилиши учун киритиш;

8.18.5. мол-мулкнинг бозор қийматини белгилашни ташкил этиш;

8.18.6. қонун ҳужжатларида ва мазкур уставда назарда тутилган ҳолларда Жамиятнинг Бошқарув раиси ва аъзоларини ваколатларини муддатидан илгари тугатиш;

8.18.7. Жамиятнинг йиллик бизнес-режасини тасдиқлаш;

8.18.8. ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;

8.18.9. Жамият ижроия органининг фаолиятига дахлдор ҳар қандай ҳужжатлардан эркин фойдаланиш ва Жамият Кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

8.18.10. Жамиятда корпоратив бошқарув тизимини баҳолашни ташкиллаштириш, баҳолаш ҳуқуқига эга мустақил ташкилотни танлов асосида ижро орган томонидан танлаш учун йиллик ва чорақлик харидлар режасида тўлов миқдорини ҳамда текшириш даврилигини белгилаш йўли билан маъқуллаш;

8.18.11. хайрия (ҳомийлик) ёки беғараз ёрдам кўрсатиш бўйича қарор қабул қилиш;

8.18.12. давлат улуши бўйича дивиденд миқдори, уни тўлаш шакли ва тартиби юзасидан, Жамиятнинг инвестиция лойиҳалари, бизнес-режа кўрсаткичлари ва молиявий ҳолатидан келиб чиққан ҳолда тавсиялар бериш;

8.18.13. Жамиятнинг захира фондидан ва бошқа фондларидан фойдаланиш;

8.18.14. Жамиятнинг филиалларини ташкил этиш ва ваколатхоналарини очиш;

8.18.15. Жамиятнинг шуъба ва тобе ҳўжалик жамиятларини ташкил этиш;

8.18.16. Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 8 ва 9-бобларида назарда тутилган ҳолларда битимлар тузиш ҳақида қарор қабул қилиш;

8.18.17. Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

8.18.18. Жамиятнинг корпоратив облигацияларини қайтариб сотиб олиш тўғрисида қарор қабул қилиш;

8.18.19. Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

8.18.20. қимматли қоғозларнинг ҳосилаларини чиқариш тўғрисида қарор қабул қилиш;

8.18.21. акциядорлар умумий йиғилиши қарори билан белгиланган чегара доирасида Жамиятнинг Бошқарув раиси ва аъзоларига тўланадиган ҳақ ва компенсациялар миқдорларини белгилаш;

8.18.22. корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш. Бунда, унинг фаолияти тартиби белгиланган тартибда меҳнат шартномасида белгиланади;

8.18.23. Ахборот сиёсати тўғрисидаги низомни тасдиқлаш;

8.18.24. Кузатув кенгаши қошида қўмиталар (ишчи гуруҳлар) тузиш ва уларнинг фаолияти тартибини белгиловчи низомларни тасдиқлаш;

8.18.25. акция ва улушларга Жамият эгалик қилаётган корхона ва ташкилотларнинг бошқарув органларида Жамият номидан унинг вакиллари овоз бериш тартибини тасдиқлаш;

8.18.26. Жамият томонидан асосий фаолиятига хос бўлган янги кўчмас мулк объектларини сотиб олиш ёки қуриш ҳамда хўжалик жамиятлари устав капиталидаги улушни сотиб олиш, шунингдек, асосий фаолиятидан ташқари қўшимча фаолият билан шуғулланиш тўғрисида қарорлар қабул қилиш;

8.18.27. хайрия (ҳомийлик) ёки беғараз ёрдам кўрсатишнинг (қабул қилишнинг) тартиби ва шартларини белгилаш;

8.18.28. алоҳида йўналишлар бўйича Жамиятнинг лойиҳа офисларини ташкил этиш ва молиялаштириш масалалари;

8.18.29. Жамият ва Тошкент шаҳрини ривожлантириш жамғармаси маблағларини лойиҳалар ва бошқа мақсадларга йўналтириш (шу жумладан, йўналтириш тартибини ва/ёки йўналтириш лойиҳалари ҳамда бошқа мақсадлар меъзонларини олдиндан белгилаш), шунингдек тижорат банклари ва халқаро молия институтларидан қарз маблағларини жалб қилиш;

8.18.30. Жамият ва унинг таркибидаги корхоналар устав капиталига учинчи шахслар томонидан инвестиция киритиш бўйича келишувлар (битим, шартнома, меморандум ва бошқалар) тузишни маъқуллаш;

8.18.31. Бошқарув раиси ўринбосарлари билан меҳнат шартномаларни тузиш, муддатини чўзиш бўйича тегишли қарор қабул қилиш ва зарур ҳолларда бошқарув раисига Жамият номидан Бошқарув раиси ўринбосарлари шартномаларни расмийлаштириш, уларни хизмат сафарига ёки таътилга юбориш учун тегишли ваколат бериш;

8.18.32. акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

8.18.33. Кузатув кенгаши мажлисларини сўровнома ёки видео-конференц алоқа усули орқали ўтказиш тартибини ва ҳолатларини белгилаш;

8.18.34. Жамиятда трансформация жараёнларини самарали ташкил этиш, корхонанинг ташқи қарзларини оптималлаштириш, замонавий харид тизимини

жорий этиш, инвестиция лойиҳаларини молиялаштиришга муқобил маблағларни жалб этиш;

8.18.35. Жамиятнинг асосий фаолиятига хос бўлган янги кўчмас мулк объектларини сотиб олиш ёки қуриш ҳамда Жамият томонидан бошқа хўжалик жамиятлари устав капиталидаги улушни сотиб олиш, шунингдек, Жамият ва унинг таркибий корхоналарининг асосий фаолиятдан ташқари қўшимча фаолият билан шуғулланиш тўғрисида қарори қабул қилиш;

8.18.36. Жамият харидларининг йиллик ва чораклик режа-жадвалларини, шунингдек, импорт қилиш режалаштирилган товарлар (ишлар, хизматлар) рўйхатларини харидларнинг мақсадга мувофиқлигини кўриб чиқиш;

8.18.37. Жамият кузатув кенгаши ҳузуридаги қўмиталарининг раислари Жамият Кузатув кенгашининг мустақил аъзолари орасидан тайинлаш ҳамда муддатидан олдин ваколатларини тугатиш;

8.18.38. Жамиятнинг ҳисобварағида тўпланган мақсадли маблағлардан фойдаланиш тартиби тўғрисидаги Низомни тасдиқлаш, унга ўзгартириш қиритиш ва ушбу Низомга асосан маблағлардан фойдаланиш бўйича тегишли қарор қабул қилиш;

8.18.39. Ягона акциядорни қарори билан тасдиқланган тегишли низомга асосан Кузатув кенгаши таркибидаги қўмиталарнинг аъзоларга қўшимча тўловларни белгилаш ва тўлаш тўғрисида тегишли қарор қабул қилиш ҳамда ижроия орган томонидан мустақил аъзоларга тўловларни амалга ошириш бўйича тегишли қарорларни қабул қилиш.

8.19. Жамият Кузатув кенгашининг ваколат доирасига Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни ва мазкур уставга мувофиқ бошқа масалаларни ҳал этиш ҳам киритилиши мумкин.

8.20. Жамият Кузатув кенгашининг ваколат доирасига киритилган масалалар ҳал қилиш учун Жамиятнинг Бошқарувига ўтказилиши мумкин эмас.

8.21. Жамият Кузатув кенгашининг аъзолари акциядорларнинг умумий йиғилиши томонидан уч йил муддатга сайланади.

8.22. Жамиятнинг Кузатув кенгаши таркибига сайланган шахслар чекланмаган тарзда қайта сайланиши мумкин.

8.23. Жамият Кузатув кенгашининг раиси Кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан Кузатув кенгаши аъзолари томонидан сайланади.

8.24. Жамиятнинг Кузатув кенгаши ўз раисини Кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

8.25. Жамиятнинг Кузатув кенгаши аъзолари Ягона акциядор қарори билан сайланади ва тасдиқланади.

8.26. Жамият Кузатув кенгашининг раиси:

- унинг ишини ташкил этади, Кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади;

- Жамият кузатув кенгашининг мустақил аъзолари билан шартномаларни (шартномаларига қўшимча битимларни) имзолайди;

- Жамият ижро органи раҳбарини меҳнат шартномасини имзолаш ва ушбу шартномага асосан меҳнат ва бошқа турдаги таътилларга ҳамда хизмат сафарига розилик Бошқарув раиси томонидан киритилган тегишли аризани имзолаш йули билан розилик беради.

Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) Жамиятнинг Кузатув кенгаши мажлисини чақирилишини талаб қилишга ҳақли.

8.27. Жамият Кузатув кенгашининг раиси бўлмаган тақдирда унинг вазифасини Кузатув кенгашининг аъзоларидан бири амалга оширади.

Жамият Кузатув кенгашининг қарорлари сиртдан овоз бериш йўли билан (сўров йўли билан) Кузатув кенгашининг барча аъзолари томонидан бир овоздан қабул қилиниши мумкин.

8.28. Жамият Кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади, агар қонунчиликда ва мазкур уставда ўзгача қоида назарда тутилмаган бўлса.

Кузатув кенгашининг мажлисини ўтказиш учун кворум Жамият Кузатув кенгашига сайланган аъзоларнинг етмиш беш фоизидан кам бўлмаслиги керак.

8.29. Кузатув кенгаши аъзоларининг сони Ягона акциядор қарори билан белгиланган миқдорнинг етмиш беш фоизидан кам бўлиб қолса, Жамият кузатув кенгашининг янги таркибини сайлаш учун Жамият Ягона акциядорга таклиф киритилиши лозим.

Кузатув кенгашининг қолган аъзолари ушбу таклифни Ягона акциядорга киритиш ҳақида қарор қабул қилган, шунингдек ижроия органи раҳбарининг ваколатларини муддатидан илгари тугатган тақдирда, унинг вазифасини вақтинча бажарувчини тайинлашга ҳақлидир.

8.30. Кузатув кенгаши мажлиси видеоконференция алоқа тизими орқали ҳамда сўровнома йўли билан, шу жумладан, электрон овоз (e-VOTE) бериш йўли билан ўтказилиши мумкин.

8.31. Кузатув кенгаши аъзоларининг овозлари тенг бўлган ҳолларда кузатув кенгашининг қарорини қабул қилишда кузатув кенгаши раисига ҳал қилувчи овоз ҳуқуқи тегишлидир.

8.32. Жамиятнинг кундалик фаолиятига раҳбарлик қилиш коллегиял ижроия органи - Бошқаруви томонидан амалга оширилади.

8.33. Жамият бошқаруви 3 йил муддатга сайланадилар (тайинланадилар) 3 аъзодан иборат Уларнинг ҳар бири билан тузилган меҳнат шартномасини давом эттириш ёки бекор қилиш тўғрисида қарор ҳар йили қабул қилинади.

Жамият бошқаруви таркибига бошқарув раис, бошқарув расининг ўринбосарлари киритилади, шунингдек, жамият фаолиятини амалга оширишда муҳим аҳамиятга эга раҳбар ходимлар ҳам киритилиши мумкин.

8.34. Жамият Бошқарув раиси ва аъзолари акциядорларининг умумий йиғилиши томонидан сайланадилар (тайинланадилар).

Ягона акциядорнинг қарорига кўра Жамият Бошқарув раиси ва аъзоларини тайинлаш, қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

Бошқарув раиси сифатида тайинланган (қайта тайинланган) шахс сурункасига икки муддатдан ортиқ ушбу лавозимни эгаллаши мумкин эмас.

8.35. Жамият Бошқарув раиси ва аъзоларининг ҳуқуқ ва мажбуриятлари қонун ҳужжатларида, мазкур уставда ҳамда уларнинг ҳар бири Жамият билан уч йил муддатга тузадиган шартномада белгиланади.

8.36. Шартнома Жамият номидан Жамият Кузатув кенгашининг раиси ёки Кузатув кенгаши ваколат берган шахс томонидан имзоланади.

8.37. Жамиятнинг Бошқарув раиси ва аъзоларига тўланадиган ҳақ миқдори Жамият фаолиятининг самарадорлигига тўғридан-тўғри боғлиқ бўлади ва шартномада белгиланган бўлиши керак.

8.38. Жамиятнинг Бошқарув раиси ва аъзоларининг вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат Жамият Кузатув кенгашининг розилиги билан йўл қўйилади.

8.39. Ягона акциядор Жамиятнинг Бошқарув раиси ва аъзолари билан тузилган шартномани улар шартнома шартларини бузган тақдирда тугатишга (бекор қилишга) ҳақли.

8.40. Жамият Кузатув кенгаши Бошқарув раиси ва аъзолари билан тузилган шартномани улар шартнома шартларини бузган тақдирда тугатишга (бекор қилишга) ҳақли.

8.41. Жамият Кузатув кенгаши Бошқарув раиси ва аъзолари билан тузилган шартномани, агар улар Жамият уставини қўпол тарзда бузса ёки уларнинг ҳаракатлари (ҳаракатсизлиги) туфайли Жамиятга зарар етказилган бўлса, муддатидан илгари тугатишга (бекор қилишга) ҳақли.

8.42. Ягона акциядор томонидан Жамият Бошқарув раисининг ваколатларини тугатиш тўғрисида қарор қабул қилинган тақдирда, Жамият Бошқарув раисининг ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши ёхуд Жамият Бошқарув раисининг вазифасини вақтинча бажарувчи шахсни тайинлаган ҳолда акциядорларнинг яқин орадаги умумий йиғилишида кўриб чиқиш учун қолдирилиши мумкин.

8.43. Бошқарув раисининг ваколатларини тугатиш тўғрисида қарор қабул қилган Жамият Кузатув кенгаши Жамият Бошқарув раисининг вазифасини вақтинча бажарувчи шахсни тайинлаш тўғрисида қарор қабул қилади, шунингдек Жамиятнинг Бошқарув раиси тўғрисидаги масалани ҳал этиш учун ягона акциядорга таклиф киритади.

8.44. Жамият Бошқарувининг ваколатига Жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки Жамият Кузатув кенгашининг ваколат доирасига киритилган масалалар бундан мустасно.

8.45. Жамиятнинг Бошқаруви ягона акциядорнинг ва Жамият Кузатув кенгашининг қарорлари бажарилишини таъминлайди.

8.46. Жамият Бошқарув раисининг ваколатлари (ҳуқуқлари) ва мажбуриятларига қўйидагилар киради:

8.46.1. ўз ваколатлари доирасида Жамиятнинг ишига раҳбарлик қилиш;

8.46.2. Жамият номидан ишончномасиз иш юритиш, шу жумладан унинг манфаатларини ифодалаш;

8.46.3. Жамият номидан ишончномаларни бериш;

8.46.4. ўз ваколатлари доирасида, Жамият номидан битимлар тузиш;

8.46.5. ходимларни ишга қабул қилиш, улар билан меҳнат шартномаларни тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;

8.46.6. Жамиятнинг филиали ёки ваколатхонаси раҳбарини тайинлаш;

8.46.7. штатларини тасдиқлаш;

8.46.8. Жамиятнинг барча ходимлари, акциядорлик жамиятлари ва ташкилотлари бажариши мажбурий бўлган буйруқлар, фармойишлар қабул қилиш ва кўрсатмалар бериш;

8.46.9. Жамият Кузатув кенгашининг ишида иштирок этиш;

8.46.10. банкларда ҳисоб рақамлар (миллий ва хорижий валюта ҳисоб рақамлар) очиш;

8.46.11. Жамиятнинг банк ва бошқа молия ҳужжатларида биринчи имзо ваколатига эга бўлиш;

8.46.12. давлат статистика ҳисоботи ва бухгалтерия ҳисоботини тегишли органларга тўлиқ ва ўз вақтида тақдим этилишини таъминлаш;

8.46.13. Жамият ходимларининг ижтимоий кафолатларига риоя қилинишини ва уларнинг меҳнатини муҳофаза қилишни таъминлаш;

8.46.14. Кузатув кенгаши билан келишилган ҳолда Ижроия органи раҳбари ўринбосарлари билан меҳнат шартномаларини (меҳнат шартномаларига қўшимча битимларни) имзолаш ва ушбу шартномаларга асосан меҳнат ва бошқа турдаги таътилларга ҳамда хизмат сафарига Бошқарув раиси томонидан киритилган тегишли аризани имзолаш йули билан розилик бериш;

8.46.15. Ягона акциядор томонидан тасдиқланган ходимларнинг максимал сони доирасида таркибий бўлинмалардаги штат бирликлари сонини ўзгартириш нуқтаи назаридан, Жамиятнинг ташкилий тузилмасига ўзгартиришлар киритиш;

8.46.16. Жамият фаолиятини таъминлаб бериш мақсадида бошқа вазифаларни бажариш.

8.46.17. Жамият Бошқаруви раиси Ўзбекистон Республикаси қонун ҳужжатлари, мазкур устав ва Жамиятнинг ички меъёрий ҳужжатларига мувофиқ бошқа ваколатлар (ҳуқуқлар) ва мажбуриятларга ҳам эга.

8.47. Жамият Бошқарувининг ваколатлари (ҳуқуқлари) ва мажбуриятларига қўйидагилар киради:

8.47.1. ўз ваколатлари доирасида Жамиятнинг мол-мулки ва пул маблағларини тасарруф этиш. Бунда, мулкни бегоналаштириш, уни сотиш шакли ва механизми мажбурий тарзда Компания кузатув кенгаши билан келишилгандан кейин тузилади;

8.47.2. Жамиятнинг таркибий бўлинмалар тўғрисидаги низомларини тасдиқлаш;

8.47.3. Жамиятнинг ички меъёрий ҳужжатларини тасдиқлаш, акциядорлар умумий йиғилишининг ва Кузатув кенгашининг ваколатига киритилган ички меъёрий ҳужжатларини тасдиқлаш бундан мустасно;

8.47.4. акциядорлик жамиятлар, ташкилотлар, ваколатхоналар ва филиаллар учун мажбурий бўлган Жамият Бошқарувининг қарорларини қабул қилиш;

8.47.5. Жамият филиаллари раҳбарларини лавозимга тайинлаш ва лавозимдан озод этиш;

8.47.6. Жамиятни ривожлантириш дастурлари ва бизнес-режаларини ишлаб чиқиш, уларни бажарилишини назорат қилиш;

8.47.7. Жамиятнинг ваколатли бошқарув органи томонидан тасдиқланган бизнес-режада кўрсатилган миқдорларда фойда олишни таъминлаш;

8.47.8. қонунчиликка мувофиқ Жамиятда бухгалтерия ҳисоби ва ҳисоботининг ташкил этилиши ва ишончилигини, ҳамда акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;

8.47.9. Жамиятнинг молия-хўжалик фаолияти тўғрисидаги ҳужжатлар Жамиятнинг Кузатув кенгаши ёки Жамият аудитори талабига кўра тўсқинликсиз тақдим этиш;

8.47.10. ўз ваколатлари доирасида мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битимлар тузиш (битим тузиш масаласида Жамият бошқаруви яқдиллигига эришилмаган ҳолларда битим тузиш тўғрисидаги масала Жамият бошқаруви қарорига мувофиқ Кузатув кенгаши ҳукмига ҳавола этилиши мумкин);

8.47.11. Жамиятнинг тижорат сирини ташкил этувчи ахборотларни сақлаш;

8.47.12. дивидендлар ҳисобланиши ва тўланиши бўйича акциядорларнинг барча ҳуқуқларига риоя қилиш;

8.47.13. ўз ваколатлари доирасида Жамиятнинг самарали ва барқарор ишлашини таъминлаш;

8.47.14. Ўзбекистон Республикаси қонун ҳужжатларига ҳамда Жамият ички ҳужжатларига риоя қилиш;

8.47.15. ҳар қандай битим тузилишида ёки Жамиятга бевосита тегишли ҳар қандай масалада муҳим манфаатдорлиги (тўғридан тўғри, билвосита ёки учинчи шахслар номидан) тўғрисидаги маълумотларни жамият кузатув кенгашига етказиш;

- 8.47.16. Жамиятнинг репутация рискларини бошқариш;
8.47.17. Жамиятнинг Бошқаруви Ўзбекистон Республикаси қонун ҳужжатлари, мазкур устав ва Жамиятнинг меъёрий ҳужжатларига мувофиқ бошқа ваколатлар (ҳуқуқлар) ва мажбуриятларга ҳам эга бўлиши мумкин.

IX - бўлим.

Жамиятнинг фондлари

- 9.1. Жамиятда соф фойда ҳисобидан захира ташкил этилади.
9.2. Жамият устав фондининг (устав капиталининг) ўн беш фоизи миқдорида захира фонди ташкил этилади.
9.3. Жамиятнинг захира фонди мазкур уставда белгиланган миқдорга етгунига қадар соф фойдадан ҳар йилги мажбурий ажратмалар орқали шакллантирилади. Ҳар йилги ажратмаларнинг миқдори мазкур уставда белгиланган миқдорга етгунига қадар соф фойданинг беш фоизидан кам бўлмаслиги керак.
9.4. Бошқа маблағлар мавжуд бўлмаган тақдирда, Жамиятнинг захира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш ва Жамиятнинг акцияларини қайтариб сотиб олиш учун мўлжалланади.
9.5. Жамиятнинг захира фондидан бошқа мақсадлар учун фойдаланиш мумкин эмас.
9.6. Агар Жамиятнинг захира фонди тўлиқ ёки қисман сарфланса, мажбурий ажратмалар ўтказиш тикланади.
9.7. Жамият қонунчиликда белгиланган тартибда бошқа фондларни ташкил этиш ҳуқуқига эга.

X - бўлим.

Дивидендларни тўлаш

- 10.1. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.
10.2. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

XI - бўлим.

Жамиятнинг фаолиятини назорат қилиш

- 11.1. Жамиятда ички аудит хизмати ташкил этилади. Ички аудит хизмати Жамиятнинг Кузатув кенгашига ҳисобдордир.
11.2. Жамиятнинг ички аудит хизмати Жамиятнинг ижроия органи, филиаллари ва ваколатхоналари томонидан қонун ҳужжатларига, Жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали Жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.
11.3. Аудиторлик ташкилоти Жамият билан тузилган шартномага мувофиқ қонун ҳужжатларида белгиланган тартибда Жамият молия-хўжалик фаолиятининг текширилишини амалга оширади ва унга аудиторлик хулосасини тақдим этади.
11.4. Аудиторлик ташкилоти Жамиятнинг молиявий ҳисоботи ва молияга доир бошқа ахборот ҳақидаги нотўғри хулосани ўз ичига олган аудиторлик хулосаси тузилганлиги оқибатида етказилган зарар учун Жамият олдида жавобгар бўлади.

11.5. Жамият овоз берувчи акцияларининг камида беш фоизига эгалик қилувчи акциядор (акциядорлар) асослар бўлган тақдирда, Жамият Кузатув кенгашини бу ҳақда олдиндан хабардор қилган ҳолда Жамият фаолиятини текшириш учун Жамият ҳисобидан ташқи аудит ўтказишни ташаббус қилиш ҳуқуқига эга.

11.6. Жамиятнинг беш фоиздан кам бўлмаган овоз берувчи акцияларига эгалик қилувчи акциядор аффилланган шахс билан тузилган қайси битим натижасида Жамиятга зарар етказилган бўлса ёхуд ушбу битим тузилганлиги оқибатида келгусида зарар етказилиши мумкин бўлса, ўша битимни тузишга доир талаблар бузилишининг мавжуд белгиларини ўрганиш учун мустақил равишда аудиторлик ташкилотини жалб этишга ҳақли. Суд томонидан битим тузишга доир талаблар бузилганлиги факти аниқланган тақдирда, Жамият суднинг қарори қонуний кучга кирган пайтдан эътиборан бир ой муддатда акциядорнинг аудиторлик ташкилотини жалб этишга доир харажатларининг ўрнини мазкур хизматларнинг бозор қийматидан кўп бўлмаган миқдорда қоплаши шарт.

11.7. Жамиятда Кузатув кенгашига ҳисобдор бўлган ва корпоратив қонун ҳужжатларига риоя этилиши устидан назорат қилиш вазифасини бажарувчи корпоратив маслаҳатчиси лавозими жорий этилади.

11.8. Жамият корпоратив маслаҳатчисининг фаолияти Жамият Кузатув кенгаши томонидан тасдиқланган низом асосида амалга оширилади.

XII - бўлим.

Комплайнс хизмати

12.1. Жамият томонидан коррупцияга қарши курашиш соҳасидаги қонунчилик талабларига риоя қилинишига жавобгар бўлган Комплайнс хизмати тузилади. Комплайнс хизмати ходимларининг сони ва тузилмаси ягона акциядор томонидан тасдиқланган Компаниянинг ташкилий тузилмасида белгиланади.

12.2. Комплайнс хизмати ички меъёрий ҳужжатлар асосида иш юритади.

12.3. Комплайнс хизмати Жамиятнинг ва унинг таркибий бўлимлари фаолиятини мониторинг қилиш ва баҳолаш ҳуқуқига эга.

XIII - бўлим.

Якуний қоидалар

13.1. Жамият акциядорларининг умумий йиғилиши ва ўз ваколатлари доирасида Кузатув кенгаши томонидан мазкур уставга киритиладиган барча ўзгартириш ва қўшимчалар Ўзбекистон Республикасининг тегишли давлат органида белгиланган тартибда рўйхатга олинади.

13.2. Жамият уставига киритилган ўзгартиришлар ва қўшимчалар ёки Жамиятнинг янги таҳрирдаги устави учинчи шахслар учун улар давлат рўйхатидан ўтказилган пайтдан бошлаб, қонунчиликда белгиланган ҳолларда эса давлат рўйхатидан ўтказувчи орган хабардор этилган пайтдан эътиборан кучга киради.

13.3. Агар мазкур уставни бирон бир қоидаси ўз кучини йўқотган бўлса, бу қоида бошқа қоидаларни тўхтатиш учун сабаб бўлмайди.

13.4. Агар Ўзбекистон Республикасининг қонунчилик ҳужжатларида Жамиятнинг мазкур уставига назарда тутилганидан бошқача қоидалар белгиланган бўлса, Ўзбекистон Республикасининг амалдаги қонунчилик ҳужжатлари қоидалари қўлланилади.

13.5. Акциядорлар умумий йиғилишини чақириш ва ўтказиш билан боғлиқ масалалар амалдаги қонунчилик билан тартибга солинади ва Жамиятнинг акциядорлар умумий йиғилиши тўғрисидаги низом билан белгиланади.

13.6. Жамият Кузатув кенгаши ва ижроия органининг фаолият кўрсатиш тартиби акциядорларнинг умумий йиғилиши томонидан тасдиқланган низомларда белгиланади.

13.7. Жамиятнинг акциядори асосиз равишда ҳужжатларни талаб қилиб олиш ва махфий маълумотлардан, тижорат сиридан фойдаланиш орқали Жамият бошқарув органлари фаолиятига тўсқинлик қилиши мумкин эмас.

13.8. Мазкур уставда тартибга солинмаган муносабатлар Ўзбекистон Республикасининг қонунчилиги билан тартибга солинади.